

Servicio di Brandspuit den su prome periodo

Prome cu aña 1930 Aruba no tabata tin ningun clase di material pa paga candela.

E aña ey Corsow a haya 3 brandspuit "Merryweather" nobo pa reemplaza e 3 bieunan.

Di e 3 bieunan, un a keda Corsow, un a bai St. Maarten y un a wordo mandá Aruba.

Aki nan a haci gasto por nada, pasobra esun cu a bin Aruba no tabata sirbi.

Gezaghebber di e tempo ey a laga sa cu Aruba a ricibí 'hero bieu' geverf. Na dos ocasion nan a purba pon'é traha, pero nada.

Mientrastanto Oranjestad y San Nicolas a crece y e necesidad pa servicio di bombero tabata urgente.

Net e tempo ey e waterleiding di Playa y San Nicolas a keda cla y nan a pensa cu lo por conectá slangnan na e pipanan. Tambe nan a busca dos "Saval" (spuit di scuma) di 200

liter. Esakinan a jega na april 1935. Net despues cu un candela feroz a destruí Teatro Gloria completamente, esta na januari 1935.

E spuitnan chikito lo no tabata suficiente tampoco ya cu e presión ta hopi abao.

Na 1936 nan a haya "Hatfield" - spuit pa pega tras di auto. Atrobe e capacidad di awa no tabata suficiente p'e traha optimal.

Te na 1940 Aruba a haya dos "Champion"-brandspuit. E mes aña aki gobierno a laga instalá 225 pos di awa pa brandspuit na Aruba.

Aworaki nos tin mas cu 700 coneccion pa awa,



E Merryweather, poco despues cu el a ser cumprá.



Ariba: E garashi na "Dakota"

Abao: Un demostracion recién na Colegio Santa Filomena unda e muchanan a haya tur informacion tocante candela.



"hydranten" - e aparatonan corrá canto di caminda cu tin forma di un bombero.

E prome garashi di brandspuit tabata banda di Warda di Polis bieu (caminda awor tin e tiendanan di Cartier y Gucci)

Na 1950 Brandweer a haya un "Darley"-spuit, y na 1952 y 1953 dos "John Bean"-spuit di presion halto. Awor e flota di Brandweer ta consistí di 2 hoogwerker, 2 tankwagen, 3 crashtruck, 2 materiaalwagen, 7 brandspuit y 1 ambulance y otro vehiculonan pa rescate y calamidad.

Fuera di tur e material aki, nos Cuerpo di Bombero ta consisti di mas o menos 90 persona pa trabao di bombero y rescate.

Na 1956 nan a converti e vliegveld bieu "Dakota" na Baca Morto na un garashi mas moderno pa autonan di polis y vehiculonan di

Bombero. Durante añanan cu a sigui a bin cambionan drastico y awendia Brandweer o sea Servicio di Bombero tin un garashi grandi y un post na Aeropuerto, un post na Tanki Flip y un na San Nicolas. Ademas Aruba tin e post di Coastal tambe.

Durante e siman di Prevencion di Candela lo tin demostracion di Brandweer (Gobierno y Coastal) na diferente scolnan. Scucha bon loke nan conta y observá bon loke tin di mira. Un tema interesante pa bo spreekbeurt.



Chabalito

Number 2 - Año V - October, 2002 - Afl. 2,=



5 años

24 OCT 2002